

Newspaper

TO THE RIGHTS OF PERSONS

WITH DISABILITIES OF KOSOVA

Revista koya lélape e hakayencar vash o personya e samatrandune shaipyencar

Shukar alen ano amaro sumnal

Akaya naprofitabiluni gazeta stampingyola ano 6 qhibya: sar aneksi ani albaniyuni qhib distribuinyola prekalo disuni (Koha Ditore), ani boshnyakuni qhib prekalo (Alem), prekali romani qhib (Yehkiye) thay prekali turkyuni qhib (Yeni Donem). Ano akala qhibya thay ani verziya ki anglikani thay srbyuni qhib thay te drabaren ini prekalo webqham www.lpkosova.com, E redaksiaki volutaruni butikerutni Diana Toska.

Donatori:



"Akava proyekti financirialo kotar o granti e Amerikake Ofisesko YKR ani Prishtina. O godinipya, konkludipya thay agoripya vay o dende rekomandipya akate siton e e Autorata (ryendar) thay na sahipea mothavna o Themeske Departamenteske decisipya."



Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Cooperation Office Kosovo



OKTOMBRI - MASEK E PROFESIONALUNE SHAIPLYENGO

Qham 6

E MANUSHIKANE HAKAYENGI KULTURA

Kosova, 10. decembri 2007


Mashkarthemutno dive vash o manushikane hakaya, 10. decembri sine yekh laqhi sura vash o deipe e samako e kosovake opinionesko numay e institucionalune manushengo vash e manushikane hakayengi kultura thay respekite e manushikane dinitesko e special vakeripeya vash o personya e samatrandune shaipyencar, BRO kola kedisale vash o Programi DMD Disability Mentoring Days (Aqhavipe e Mentoripaske Divesko), biqhalde mesazha 'O manushikane hakaya siton vi tere' thaya akaya sitoy publikuimi ano savore mediumya ani Kosova.

Donatorya, sine o Amerikako Ofisi thay OSCE ano phikodeipe kotar o Evropako Koznilo, e Saslaripaska Ministriako, Ofisi vash Shukar Raipe.

Te pelara pe godi, "Savore siton biame meste thay e som diniteteya" Vakarla o neni 1 e konventako vash o manushikane hakaya. Kana biangyola thay ano anglune jivdipaske momentya o manush isile hakya. On siton garantime, bi yaverime thay regulime kotar o buderi mashkarthemutne dokumentya

Mashkarthemutno dive e manushikane hakyengo
Decembri 2007

O MANUSHIKANE HAKYA SITON TERE



OVIPIYA KOLA REGISTRINDE O 2007 BERSH

DINYITETESKO BONTONI

" UNIVERZAL DIZAYNI "

RESPEKTI VASH SAH E SUMNALAKE JUVLA

APELI Azhutipe vash te azhutina

Ferizaji, januari 2008.

Ano kuadri e BRO Hendifer formiralis "Ortopedia", butyarni vash o keripe e azhutipaske sheyengo vash e ortopedia. Akaya butyarni rodela siguno azhutipe kotar o Institucie vash te ovelola shaibe te lungyarel piri buti. O lungyaripe e butyako akala butyarynyako isila special mahatnipe, feri so ka garavel o Kosovako bujeti, kotar o kinipe akale ortopedikune sheyengo avrial kola siton but pahale. Butyarni ani kriza sito yekhuno eksportipe thay kerutno akale ortopedikune sheyengo.

Akaya butyarni pasharela barvalo program e buderi desar 200 artiklenar kotar o ortopedikune sheya: kuka, phiravlin vash o bare qhavore, higienaki phiravlin, azhutipaske sheya vash o banyo, dumodeutni vash o merdivenya, buderi tikne sasave sheya kola siton mahatne vash o manusha e samatrandune shaipyencar.

E donacia kotar e World Bank thay World Vision ko 2006 formiralis akaya butyarni.



ANGLIOLIMPIJADA !

Planetaruno Spektakli e sportesko

Peking (Kina), 06 17 septembri 2008

Olimpiada thay Angliolimpiada ka organizyngon ano may uqho niveli, numay o phravipe e planetarune sporteske spektaklesko vash o persoyna e samatrandune shaipyencar ka adikergjol ko 06 septembri 2008.



O gatisaripya ani Kina vash o Olimpikune thay Angloolimpikune khelipya adikergyona ake 6 bersh. Akana o kinezya shirdine te keren o anglune prove vash o solemiyuno phravipe.

Siton ano agoripe o butya vash e Angliolimpiada. Ceremonia e phravipaski thay phanipeski ka mothavel o note e jvdipaske e motoa " Bodlipe, Phuv thay Manushikane Trupya"

Ki sakoya rig amara sumnalaki kerena treningo o sportistya e samatrandune shaipyencar vash te phagen o sumnalake rekordya vay lavavdipya thay vash te vijainen so may but sumanakayeske medale ani Angliolimpiada.

EKSPOZITA E QHAVORENGI

Pristina 10. decembri 2007:

-Ani sura vash o mashkarthemutno dive e manushikane hakayengo adikerdili e yekhdivuni ekspozita e materijalengo kola gatisarde o siklovne kotar e specialuni skola. Ekspozita phravgya o siklovno e butyako e Ombudsmanesko, r.Hilmi Yashari, kova mothavgya o mahatnipe vash o garavipe e qhavorengi hakayengo.



Naysipe vash o Bytyqi

Pristina 25. decembri 2007: - Ano organizipe e Koha Grup adikerdili e tradicionaluni ceremonia e promovipaske e may suksesune

sportistyengo ano 2007-to bersh. Ano olengo mashkar naysipe vijaingya vi o sportisti, Daut Bytyqi, kova angya rekordi ani sumnal ano frdipe e rovlikako ano IV-to sumnalako kampionati vash o persoyna e samatrandune shaipyencar adikerdo ano Rambuye ko 2005, kote, Kosova vijaingya o kondiciye vash o katorleipe ani Angliolimpiada koya ka adikergjol ani Kina ko 2008.



Daut Bytyqi ,
Shampioni ano Rambuye

PTK AZHUTINELA E KOROLEN

Prishtina, 16 novembri 2007

Posta thay Telekomunikacia e Kosovaki som e amalipeya vash o korole ani Kosova hraminde yekh memorandum vash shukar halovipe, koleya o PTK obligyngyola te sikavel ko shird thay palo odova te butyarel nesave korole persnoynen. Akava shirdipe lela, generaluno Direktori, dr. Etrur Rustemaj, e yekhune reseya, vash o katorleipe akale dizunenga kategoriako ano kosovako malipe.

"PTK, prekalo ververutne projektya ka lungyarel te azhutinel e persoynen e samatrandune shaipyencar. Aykeha kay apelinava ko aver kompanie, vash te phiraven olengo drom, - vakargya o Rustemaj, ko agor akale pakyavipaske arakhipesko.

Numay, o sheruno e Amalipesko e Kosovake korolengo Bujar Kadriu vakargya so o hramipe akale memorandumsko ka phravel o droma vash o butyaripe may hari 10 korole persnoynengo ano PTK.

"Ko shird 10 korole persoyna ka nakhaven o kursya ano siklovipasko centro e PTK-ko, thay palo odova akala manusha ka butyaryngon ano Call centro. Akala familie akana ka laqharen e phari socialuni situacia koya silen, - vakargya o Bujar Kadriu.

(Ielili kotar e Magazina e PTK-ki)



r. Bujar Kadriu (zervo)
thay z., Etrur Rustemaj



Nays kera e donatoryenge vash o shaipë so dendamen so pandar yekh ver te arakhlova e drabarutnencar ano shirdipe e neve bersheshko, kova stampingyola ano shov qhibya thay ovindoy pashe tumenge ini prekalo internetesko web sayti:
www.lpkosova.com

Vastinava e sura te pelarav tumenge pe godi o krisi, mamuy o diskriminipe kova sito angluno krisi vash o manushikane hakaya kova manglape te implementigyol vi ani Kosova. Akava krisi sito but vasno vash amenge feri so direkt garavela o interesya e persnoyengo e samatrandune

shaipyencar.

Ayekha kay savore som ano them kova ajukera te anavingyol sar biumlavdo, te tentina te kera o obyektive e " Dizajnit Univerzal".

Te sombutikera e neve Institucienar iksile kotar e korkori populacia, te arakha may lokhe droma vash te vazda o bariere vash savore Kosovake dizune thay special vash odola e samatrandune shaipyencar.

E respekteya tumari,
Hilmniyeta Apuk,

NACIONALUNO KONZILO

Ajukergyola o phikodeipe kotar o Raipë e Kosovake Sherune ministresko vash o Nacionaluno Konzilo e persnoynengo e samatrandune shaipyencar kola kerena buti ano kuadri e Sherune ministroske Ofisesko.

Avutni buti akale Konzileski manglape te orientina vash o neve obyektive e Konventako vash o hakaya e manushengo e samatrandune shaipyencar vash te da e realuni dimenzia vash o gatisaripe e shaipyengo vash olako implementipe ani Kosova.



Detaj nga mbledhja

Akava gendo shay drabarena ano interneti ano shov qhibya: Anglikane, Albanyune, Serbyune, Boshnjake, ani romani thay turkyuni qhib sar kay ani adresa e websit: www.lpkosova.com

VASH O UNIVERZALUNE HAKAYA

Ofisi vash Shukarno raipë e Sheruneministresko prekali olaki monitoripaski rola thay koordinipaski e Kosovake Raipaske Ministriencar thay special prekalo tang aktiviteti ano sombutipe e yekhinyencar vash o Manushikane hakaya kreirime ano sakoya Ministria e Kosovake raipski, kerela tentipe te sigurinel kay o dende servisy thay kvaliteti e raipasko te ovelola hasari ano garavipe thay realizipe e manushikane hakayengo vash o savore Kosovake dizune.

May bari sama dengyola e grupenge kola siton ano nafavorizime pozicie leidnoy kotor o persnoya e samatrandune shaipyencar thay juvla. Akala grupe thay aver grupe kola isilen akutyune molya sineton thay ka aqhon prioriteti ano politike e stratejikune planifikipesko e Kosovake Raipasko, thay ano akava kuadri o Ofisi vash Shukarno Raipë e Sherune ministresko shirdingya o hartipe e nesave dokumentyengo kola siton vasne ayekha kay shay te adresingyon ani adekvatuni qhand akala molya.

Amane korkore jana so o manushikane hakaya isilen hasari pedral o sasutno kosovako malipe, thay ani akaya qhand, olengo miratipe ani praktika sito gdornipe e savorengo ani Kosova, leindoy kotor o naraipasko sektori.

Sar o raipaske institucie amen ka ova angazhime thay isimen obligipe te kera buti thay te sigurina yekh may laqho avipe vash savore manusha kola jivdinena ani Kosova, ayekha kay vi o odola proyektia kola ka realizingyon vash o hakaya e manushengo e samatrandune shaipyencar ka den shaipë kay o manushikane hakaya ani Kosova te praktikingyon e respekteya vash o univerzalune yekhipya, vash o mestipe thay diniteti e sakole kosovake Dizunesko.

r, Habit Hayredini, Direktori e ofisesko vash o Shukarno Raipë

Yaveringya jivdipe XHEVAT ISLAMI (28.03.1949 - 23.08.2007)

Biqhindo askeri e manushikane hakayengo

Ko 23 septembri 2007 aqhavdilo o khuvipe e ilosko e bare askeresko vash o hakaya thay mestipya a manushesko, vash yekhipë thay multietnikuni tolerancia. Na aqhilo, vijaingya ini so sinele obyektivune sastipaske aqhavipya kova sinele ji ko agor oleske jivdipesko, ov sine aktivuno ano realizipe oleske resesko vay idealesko, garavipe e hakayengo thay mestipyengo e manushesko special odolengo e smatrandune shaipyencar.

Xhevat Islami sine umlavdo personaliteti: humanisti thay askeri, inovatori e ortopedikune sheyengo, manush kova formiringya e BRO Hendifer ano Ferizayi, thay e multietnikune programesko DMD ani Kosova, sombutikerno e ekipako e Amerikake Amalipesko vash o persnoya e samatrandune

shaipyencar AAPD, kergya buti e programeske implementipa DMD, sombutikergya e BRO Hendikos-, sine sportisti, kamlo lideri, jamaingya o sistemi e servisesko vash o jene kola silen mol, sine autori e mobilyuna bibliotekako, sine kamlo vash savore. Sine manush kova arakhla alosaripe thay rodelay respondipe, palo leste aqhile rezultatya, numay o vahti kana ov jivdingya degya o stampi e manushikanipesko.

Xhevat Islami vi but vah kontribuingya ano laqharipe e statusesko e persnoyengo e samatrandune shaipyencar. Oleske meripeya amen hasargyam may aktivune askere vash o manushikane hakaya.

Vash sombutipe thay pakyavipasko amalipe kova sinemen amen viloa nays keraha.

IM MEMORIAM



" UNIVERZAL DIZAYNI " -TE KREIRINA O YEKHUNE SHAIPIYA

Prishtina, 14 februari 2007

Trin bershja rindoa, ano dive e Shen. Valentinesko, jandi sar kamipasko dive, organizyngona o respektipaske manifestipy vash o personya e samatrandune shaipyencar. Numay, o thavd e organizipesko sine kay e tematika sine pherdi mothavipeya, "Univerzal Dizayni".

So sito » Univerzal Dizayni « ?

Ko 70-to bershja ano YATH (Yekhune Amerikake Rashtre) shirdinde te realizyngon o obyektive e "Univerzal Dizaynesko" vay "Dizayni vash savore", kova akana aplikyngola ano savore thana e samatrandune standaryencar thay yekhune surencar vash savore manusha ledinoy kotor vi odola kola isilen sasavo samatranduno shaibe.

E manifestaciako phiripe

Ano generalipe o mediumya prezentinde o posteru e mesashea, ano masjkar vaht o debati phiravdilo ani multidisciplinaruni tema "Univerzaluno Dizajni". Ani debata lele kotor, o reprezentya kotar o Raibe, kotar e Ambienteski Ministria, Ministria vash o butikeripe, Ofisi vash o shukarno raibe, Amerikako Ofisi, OSCE thay yaver. O yekhuno konstatipe sine kay o arkitetonikune yaveripy, adiva ani Kosova siton realiteti, numay o keripe thay o renovipe e publikune obyektynge sar odola e publikune thanende ayeka aini ano privatune thana manglape te den yekhune shaipy vash o manglarnenge mangipy. Ano mamuyipe sit e phiravolpe e diskriminipea prekal o persoyna e samatrandune shaipyencar.



14 februara, 2007

www.lpkosova.com

" akcesi Vash saren "

Prekal o vazdipe e godinipesko sar kay prekal o krisi thay e yavere administrativune mase manglape te evolviryngol thay te iniciryngol, "univerzaluno dizajni" kova sito koncepti kay s hay realizyngola vash o evolviripe e yekhune shaipyngol vash e Kosova.

Akava manifestipe sito kotor e programune pakososko vash o promovipe e manushikane hakayngol e anavea Volonteruno Programi DMD. Kolesko donatori sine o OSCE, vay organizatori, NRO Little People of Kosovo thay NRO Hendifer Ferizay.

RESPEKTI VASH SAH E SUMNALAKE JUVLA

Prishtina 8 marti 2007

Mashkarthemutno juvlano dive tradicionalipea registrisalo yekhe tetralune kotorea thay yekhe puterde debatea ano Nacionaluno Teatri e Prishtinako, kote puterdilo o puqipe e seksune yekhipesko thay o juvlane hakaya e samatrandune shaipyencar thay bi olengo.

Ano diskutipe lela kotor ini e rayo Per Oeyvind Semb kotar o OSCE, kova potencingya kay sito musayutno thay but semno te respektingyol o seksuno yekhipe ano privatuno thay publikuno jivdipe.

"Leipea pe dikhipe kay e juvlako jivdipe e e samatrandune shaipyencar thay bi olengo ani sah sumnal na sito akabokar lokho, but ver phiravdo e qhelale tretiripea, qhelalo tretiripea thay mukhli kotar e rig e malipesko, robi e trafikipesko e manushikane trupyenca, but ver olake phiripy siton aqhavde e patriakalune stereotipyencar, o mortaliteti ano amaro mashkar sito but prezentuno, o qorolipe thay o analfabetizmi sito present ano amaro sakodivuno jivdipe, vaj amaro shel pe shelipe sito but harno ano biznesya, ano uqo siklape, vaj vash o institucionalizipe tena vakara



Ano ledeipe e murshenca shay te resa o resipy e 21 shelbersheske, kote e juvli e samatrandune shaipyencar thay bi olengo shay te khuvel pe buti, te ovel suksesuni, bi umlavni, informirimi thay loшали ano familiaruno malipe.

Vash te ova yekh loшали familai thay te realizina amaro manushikano suno ano dikhipe e yekhipesko

thay e nadiskriminipesko prekal o sah 366 bersheshke dive kobar sile o bersh! - vakerya e Hiljmnijeta Apuk.

Ini o r. Habit Hayredini, Direktori e Ofisesko vash o shukarno raibe vakerya kay o Raibe kerela shaibe vash o avansipe e juvlana poziciako thay o evolviripe e seksune yekhipesko ano kovaryuno malipe.

Kampanyako mesashi, TERE HAKAYA = MERE HAKAYA, shay dikhlen ano sakova televizyuno kanali (RTK, TV 21 thay TV Most),ano diveske gazete, ano bilbordya, pamflete thay ano maice kola dendile ani kampanya. Sherune donatorya thay organizatorya sine OSCE, UNKT Kosovo Team, UN Voluntery, OHIR, Amerikako Ofisi, Ofisi vash o shukarno raibe thay o NRO partnerya ano multietnikuno programi DMD, pakyavutne e Ministriako vash o Saslaripe, NRO Little People of Kosovo thay e NRO Hendifer Ferizay.



KURKO E MANUSHIKANE HAKAYENGO E MANUSHESKO E SAMATRANDUNE SHAIPLYENCAR

VASH ADIVE THAY O AVUTNIPE - AMARE HAKAYA

Prishtina, 23 30 aprili 2007

Ano ledeipe e mangipyencar thay e situaciaha e 10% e populaciako vay e 250.000 dizunengo e samatrandune shaipyencar ani Kosova kola silen ambicie vash te oven yekhune e yaverenca organizisali kampanya, » Kurko e manushikane hakayengo e samatrandune shaipyencar » e resipea te promovinen e neva Konventako vash o manushikane hakaya. Donatori akala kampanyako sine, Amerikako Ofisi, vay organizatora sine o partnerya e NRO- go ano multitrnikuno programi DMD thay o qaquo phikoipe e Saslaripeska Ministriako, Ofisi vash o shukarno raipe thay o PTK.

Filatelia ano afirmipe e neva Konventako

Promovipea e XXII seraiko e postaki markica koya sitoy yekhuni thay angluni akala sortako ani sumnal koya dedikingyola e Konventake vash o hakaya e persoynenge e



z.Lawrence Corwin zëdhënës i Zyrës Amerikane në Prishtinë

smatrandune shaipyencar puterdili e kampanya "Kurko e manushikane hakayengo e samatrandune shaipyencar". E seria sitoy astarni kotar 4 postake marke thay koverta thay akana dela specifikuno kontributi e sumnalake filateliake thay e manushikane hakayenga agendako. Atorya e dizaynesko siton o persoyna e samatrandune shaipyencar.

Promovipe akale postake markengo dende phiko o r. Yoakim Ruker (Joachim Rucker), r.Lawrence Corwin; r.Blerim Baruti, Hiljmnijeta Apuk.

Iniciatori akala seriako e yekhuna postake markengo sitoy NRO Little People of Kosova.

DINYITETESKO BONTONI

Ji sine e kampanya publikisali e broshura ano trin qhibya e motoa "Bontoni ano komunikipe e persoynenca e samatrandune shaipyencar : Amaro Dinyiteti = Tumaro Dinyiteti « thay o harno hramardipe e Konventako vash o hakaya e persoynengo e samatrandune shaipyencar, autorya akala broshurako sine, Hiljmnijeta Apuk thay e Fazile Bungu.

E kampanya agorisali yekha konferenca vash o medie kote drabardile o rekomandipya kola lelile ji sine o aktivitetiya ani Prishtina, Ferizayi, Shterpcia, Elez Hani, Mitrovica thay Peja, kote rodingyola e Raipestar o miratipe e adekuatune krisyengo.

PRESIDENTI AJUKERLA E AMBASADORYEN

Prishtina 01.yuni 2007

Kosovako Presidenti, Fatmir Seydiu ajukergya e qhavoren Ambasadoren ano pakyavipe e mashkarthemutne qhavorikane divesko. Akaya multietnikuni grupa dengya o kredencialune lila e presidenteske e mesashea vash olenge hakya.

Promovingyona e qhavorikane hakya

Ani Prishtina, o qhavore Ambasadorya e PTK -eske kharipea lele kotar ano promovipe e XXIV seriako ikali e postaka marakako kola khardile "hasavne qhavore " kova dendilo, "1 yuni mashkarthemutno qhavorikano dive".

Ani Mitrovica, Peja, Ferizayi, o qhavore ambasadorya, pere thanendar vizitinde pere komunalune presidentyen thay adikerindoy yekh qhavorikano

beshipe phiravde o mesashya kola sine dende e Kosovake presidenteske . Akava sine pandar yekh ver yekh shukarno drom te penjaren vash pere hakaya.

Akava dive registrisalo e sah televiziendar,

hramime mediendar ano sah qhibya , thay qhivdile o placate e bilbordyencar anis ah Kosova.

Donatorya akala tradicionaluna manifestaciako sine o Amerikako Ofisi, OSCE, vay organizatorya, partnerya e NRO go kola phikoinea o Programi DMD e phikoipea e Ministriako vash o Saslaripe, NRO Little People of Kosovo thay NRO Hendifer Ferizayi.



OKTOMBRI - MASEK E PROFESIONALUNE SHAIPTYENGO

Persoyna e samatrandune shaipyencar shay te den poro kontributi ano yaver yaver profesionalune sfere

Prishtina, 05 oktombri 2007

E puteripeski ceremonia e yekh masekeska kampanyako, " OKTOMBRI " masek e profesionalune shaipyengo adikerdilo ani Prishtina thay kedingya e institucionalune reprezentyent sar lokalune ayekha mashkarthemutne, e privatune sektoreško thay e persoynengo e samatrandune shaipyengo, kola yekhunde dende phiko e promovipeske e profesionalune shaipyengo vash o persoyna e samatrandune shaipyencar thay o shaipe e butikeripesko bi diskriminipe.

O beshipe putregya r. Habit Hajredini, Direktori e Ofisesko vash shukarno raibe, vay bahtalipeske alavya sinelen ini e r. Laura Hoxha kotar o Amerikako Ofisi, r.Markku Laamanen, Talo shefi e OSCE eska misiako, o Saslaripesko Ministro, prof. Sadik Idrizi, Reprerenti e Ministriaki vash butikeripe, r. Gjylinaze Novobrdaliju Golja, Presidenti e nacionalune koncilesko, Dr. Fadil Kryeziu, Violeta Krasniqi kotar Ombudspersoni e Kosovako, Hiljmnijeta Apuk kotar NRO Little People of Kosova, Fazile Bungu kotar NRO Hendifer thay but yaver diskutantya.



Aktiviteti ji phiravdili e kampanya

Ano sakova Kosovako than akale masekest kerdilo buti kotar, 950 dive kotar o persoyna e samatrandune shaipyencar. Sine astarne kotar 900 volonterya ano rolle mentoryengo thay o motahvne e bukyengo e yaver yaver bukyengo. Yekh may baro gendo e buti keripeske divengo ji sine akaya kampanya organizinde, NRO Hendifer kotar o Ferizayi, Shtpca thay Elez Hani.

Buderi kompanie, o privatune butidende, o publikune institucie ano yekh dive qhivde pe buti e pokipea e manushen e samatrandune shaipyencar thay sinelen te dikhen olenge profesionalune shaipya.

Mangalpe te mothavgyol kay trin bersha rendoa e Kosovaki Samatrande, qhivdi pi buti e persoynen e samatrandune shaipyencar ano pere ofisy anis ah Kosova.

Ano oktobri o publikuno kosovako opinion sinele shaipe te dikhel o posterya ano mediumya, e motoa " Bi DISKRIMINIPe ".



E tracionaluni kampanya yekhe masekeski " Oktombri masek e profesionalune shaipyengo vash o persoyna e samatrandune shaipyencar " sinele pe resipe o maripe pederal o qorolipe, kovlaripe e bibutikeripesko, cidipe e barieryengo thay o maripe pederal o diskriminipe kolenca o manusha e samatrandune shaipyencar arakhona sakova dive. Prekal e kampanya promovisale ini o neve resipy e persoynengo e samatrandune shaipyencar thay olengo implementipe ano avutnipe ani kosova.

MASHKARTHEMUTNI KAMPANYA

Kampanya "OKTOMBRI Masek e profesionalune shaipyengo vash o persoyna e samatrandune shaipyencar " sitoy yekh nevi iniciativa koya vazdisali ani Amerika thay koya sila pe resipe, o eliminipe e barieryengo thay vazdipe e shaipyengo, vay e yekhune kondiciengo vash o persoyna e samatrandune shaipyenca vash o astarape anon eve butyake thana ano mashkar kote jivdinena.



Ini kay sito nareslo te dengyol yekh mol e manushikane elementarune hakayengo, sito dikhlarno kay o siguripe e shaipyengo vash o persoyna e samatrandune shaipyencar vash te jivdinen thay te butikeren ani harmonia pere

Ofisi vash shukarno raibe thay nacionaluno konzilo kotar o Sheruneministre sko ofisi organizinde yekh konferencia e zhurnalistyenca r vash e sura e butyaripaski vash o yekh dive e 30 personyengo e smatrandune shaipyencar.

Yekhmasekuni kampanya "oktobri o masek e profesionalune shaipyengo" sito kotar e programeske paketesko e yekh ebersheske vash o promovipe e manushikane hakayengo e motoa Volonteruno promovipesko programi e DMD-ko (Disability Mentoring Days).



Ry. Melissa Stone kotar OSCE thay r, Habit Hayredini, Direktori e Ofisesko vash Shukarno raibe ano iklipe ani Konferencia vash o medie.

Donatorya sine o Amerikako ofisi, OSCE, numay o organizatori sine o partnerya e BRO-go kola dena phiko e pogrameske DMD ano phikodeipe e Ministriako vash Sastipe thay ofisesko vash Shukarno raibe.

PROFESIONALUNE KURSYA

OSCE-ki misia ani Kosova doniringya numay o profesionalya vash o personya e samatrandune shaipyencar e organizaciaka iniciativa, Handicapped and Disabled People of Kosova.

O res akale kursyengo sine o yekhuno akcesi ano butyaripe thay pherdo integripe ano malipe.

Ceremonia e diplomyenge ulavipesko jamaisali ko 15. Yuni 2007 ano lokalya e OSCE-ko ani Prishtina. Ambasadori Werner Wnendt ano surako vakeripe dengya baro mahatnipe vash o inkluzivuno jamaipe e malipesko, vash akaya kategorija e dizunengi.



Valbona Sahiti(zervo)thay Mehmet Kastrati, butyardile ani Ekonomikuni Banka ani Prishtina, Palo agoripe e kursyengo.

DONACIA E DANIMARKAKE KFOR-KO

Kosova, avgust 2007

Danimarkako KFORI dengya yekh baro kontigenti e azhutyengo, kedime kotar e danimarkaki populacia, koya sinela, phiravlin thay ververutne sheya azhutipaske vash I ortopedia dedikuime vash o personya e samatrandune shaipyencar ani Kosova.



KOSOVAKI EKSPOZITA VI ANI AMERIKA

Ani sura vash o festipe e 50 bersheshko e formiripasko e Little People of America organizisali yekh mashkarthemutni ekspozita e butyaripencar kotar o personya e samatrandune shaipyencar kova adikerdilo ano Seattle USA kotar o 01- 06 Yuli 2007. Kosova ano akava manifestipe prezentisali e motoa » Nevi Kosovaki iniciativa ano program e DMD « e autorestar ry. Hiljmnijeta Apuk.

Ekspozita kotar e Kosova shukar ajukerdili kotar e Amerikaki publika thay aver thana.vakargya so oy promovingya o juvlane hakaya e samatrandune shaipyencar thay resti te senzibilizinel o opinion e mothavde faktencar.

Profesori kotar o Univerziteti Washington ano Seattle, Dr. Prof. Paul Stiven Miller thay Direkorti e pogramesko DMD ani Amerika (Disability Mentoring Day) kotar o Washingtoni D.C. Mr. Andrew J. Imaprato dende uqhi nota vash I ekspozita kotar e Kosova vash te mothaven so oy yekhatar sitoy vash te promovinel o manushikane hakaya ano globaluno plani.

Donatori vash o kotorleipe e Kosovako ani akaya ekspozita ani Amerika sine: Ministria e sporteski, kulturaki thay ternipaski, PTK thay Mama Cash.



MOBILUNI BIBLIOTEKA



Ano ledeipe e NRO Hendifer thay e dizyaki biblioteka " Anton Qeta" ano Ferizayi, formirisali mobiluni biblioteka e 560 pustikyenca. O dizune silen shaipe te yaverinen pustika ano adrese e persoynenca e samatrandune shaipyencar kola na silen shaipe te nakhen ji ani dizyaki biblioteka. O interesime drabarne kola silen mangipe vash akava servisipe shay te kontaktirinen e, Hendiferin ano Ferizayi.

EKSPOZITA VASH O KOROLE

Artsistikuni ekspozita e skulpturako kotar o Luvresko muzeo sine bahamimi qhivdi ano Nacionaluno Kosovako Muzeo ani Prishtina kotar o 08. Marti ji pe kvash o aprilesko masek 2007. Akaya ekspozita sine qhivdi vash o korole vizitorya, kotar o hramipe e kotorengo sine hramimo e Brajteske hramipea. Donatori sine e Sherune Ministresko Ofisi, e Franciako Ofisi thay e Korolengi skola ani Peja.



HUMANITETI ANO KOTOR



Ano agor nakhle bersheshko ano lokalya e PTK-ske puterdili yekh ekspozita koya vlersingya o humano karakteri, kotar o bikinipe e piktorengo dendile vash o saslaripe e autorako, Bahrije Sahiti.

KONVENTA vash o HAKAYA e PERSOYNENGE e SAMATRANDUNE SHAIPLYENCAR



Astaripe
Shayuno khuvipe
Baripe
Yaveripe
Bizo Diskriminacia

2008



JANUARY

SU	MO	TU	WE	TH	FR	SA
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

FEBRUARY

SU	MO	TU	WE	TH	FR	SA
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	

MARCH

SU	MO	TU	WE	TH	FR	SA
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

APRIL

SU	MO	TU	WE	TH	FR	SA
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

MAY

SU	MO	TU	WE	TH	FR	SA
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

JUNE

SU	MO	TU	WE	TH	FR	SA
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

JULY

SU	MO	TU	WE	TH	FR	SA
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

AUGUST

SU	MO	TU	WE	TH	FR	SA
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

SEPTEMBER

SU	MO	TU	WE	TH	FR	SA
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

OCTOBER

SU	MO	TU	WE	TH	FR	SA
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

NOVEMBER

SU	MO	TU	WE	TH	FR	SA
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

DECEMBER

SU	MO	TU	WE	TH	FR	SA
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			



Donatori:

Schweizerische Eidgenossenschaft
Confédération suisse
Confederazione Svizzera
Confederaziun svizra
Swiss Cooperation Office Kosovo

